

Редакцид ирсн бичгүдас

Парикмахерск кергтә

Парть болн правительств советск олн-әмтнә бәәдл-джиргъл ясрулхд ик гидгәр оньган өгчәнә. Болв зәрм гардачнр бийсиннь өмн тәвгдсн төрмүдиг кергтән авцхахш.

Ленинский совхозд өдгә цагт 800 шаху кәдлмшч болн үүлд цергләч улс кәдлджәцхәнә. Парикмахерск уга болсн учрар, үсән хәәчлүлхин болн сахлан хусулхин кергт, Элст балгъс ордж, өнъгәр өдрән чиләнә.

Эн тоотиг совхозин директор үр Зарытовский В. С. болн рабкоопин ахлач үр Пюск А. Г. хойр медә бәәсн бийснь, совхозин кәдләчнрин цеврцер бәәлгънд оньган өгч парикмахерск секджәхш. Эн дутудундин тускар олн кәдләчнрин өгсн сурврт чигн хәрү өгхш. „Ленинск“ совхозд парикмахерск кезә секхмб?

АРАШАН БАДМ.

Ленинск совхоз.